



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅՈՒՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ ՌԵԳԻՍՏՐԻ
ԳՈՐԾԱԿԱԼՈՒԹՅԱՆ ՊԵՏ**

«___» _____ 2014թ. N ___
Ձեր «___» _____ 2014թ. N ___

0051, ք. Երևան, Կոմիտաս 49/3

հեռ./ֆաքս (+37410) 20-14-61
էլ. փոստ: info@e-register.am

ՈՐՈՇՈՒՄ 014

Վարչական վարույթ հարուցելու և լսումներ իրականացնելու մասին

20.11.2014թ.

ք.Երևան

19.11.2014թ. Գործակալությունում թղթային կրիչով մուտքագրվել է «ԵՂԲԱՅՐՈՒԹՅՈՒՆ» ՔՐԻՍՏՈՆԵԱԿԱՆ ՄՇԱԿՈՒԹԱՅԻՆ ՀԻՄՆԱԴՐԱՄԻ (պետական գրանցման համարը՝ 222.160.00922) գործադիր մարմնի ղեկավարի փոփոխության և նոր խմբագրությամբ կանոնադրության պետական գրանցման դիմումը:

«ԵՂԲԱՅՐՈՒԹՅՈՒՆ» ՔՐԻՍՏՈՆԵԱԿԱՆ ՄՇԱԿՈՒԹԱՅԻՆ ՀԻՄՆԱԴՐԱՄԻ (այսուհետ՝ Հիմնադրամ) դիմումին կցված են հետևյալ փաստաթղթերը.

1. Հիմնադրամի հոգաբարձուների խորհրդի 18.11.2014թ. կայացած նիստի արձանագրության պատճենը (այսուհետ՝ Արձանագրություն) (2 թերթ),
2. Նոր խմբագրությամբ կանոնադրությունը՝ 2 օրինակ,
3. Լիազորագիր, լիազորված անձի անձնագրի պատճենը,

Միաժամանակ դիմումում նշված է, որ 14.11.2014 թվականին պետական ռեգիստր ներկայացրած դիմումով ներկայացված են եղել նաև հետևյալ փաստաթղթերը:

1. Պետական տուրքի վճարումը հավաստող փաստաթուղթ՝ թիվ 167696 օրդերը,
2. Ծառայության մատուցման համար վճարը (60.000 դր) հավաստող փաստաթուղթը,
3. Գործադիր մարմնի նոր ղեկավարի անձնագրի և նույնականացման քարտի պատճենները,
4. Տեղեկանք տրամադրած Կալիֆորնիա նահանգի քարտուղարի կողմից 16.10.2014թ.
5. Սույն գործով լսումներ չիրականացնելը Հիմնավորումներ, ստորագրված լիազորված անձի կողմից՝ 3 թերթ,
6. Նախագահ Աբրահամ Հալաբյանի 29.11.2014 թ. Հայտարարությունը (8 թերթ),
7. Հյուսիսային Ամերիկայի հայ եղբայրության եկեղեցիների միության անդամ եկեղեցիների ներկայացուցիչների 2014թ. Նոյեմբերի 11-ի հայտարարությունը (8 թերթ),
8. Հյուսիսային Ամերիկայի հայ եղբայրության եկեղեցիների միության անդամ եկեղեցիների ներկայացուցիչների 2014թ. Նոյեմբերի 11-ի հայտարարությունը անգլերեն լեզվով՝ վավերացրած Ա. Մլայանի կողմից (4 թերթ):

ՀՀ Արդարադատության նախարարության աշխատակազմի իրավաբանական անձանց պետական ռեգիստրի գործակալությունը, ուսումնասիրելով 14.11.2014թ. և 19.11.2014թ. գործադիր մարմնի ղեկավարի փոփոխության և նոր խմբագրությամբ կանոնադրության պետական գրանցման համար ներկայացրած դիմումները և կից փաստաթղթերը

ՊԱՐԶԵՑ

Հիմնադրամի հոգաբարձուների խորհրդի 18.11.2014թ. նիստի արձանագրությամբ սահմանված է հիմնադրամի հոգաբարձուների խորհրդի (այսուհետ՝ խորհուրդ) հետևյալ կազմը՝

1. Ջոն Պատիկյան,
2. Ջարեհ Աստուրյան,
3. Ջոն Չերկեզյան,
4. Ալբերտ Հակոբյան,
5. Աշոտ Մարտիրոսյան,
6. Տիգրան Ղազարոսյան:

15.10.2014 թվականին Հիմնադրամի գործադիր մարմնի ղեկավարի (Արթուր Մանթաշյանի) կողմից ՀՀ Արդարադատության նախարարության աշխատակազմի իրավաբանական անձանց պետական ռեգիստրի գործակալություն է ներկայացվել գրություն, որով տեղեկացնում է, որ 2014 թվականի սեպտեմբերի 1-ին Հիմնադրամի հիմնադիր՝ Հայ Եղբայրության Եկեղեցիների Ընդհանուր Միությունը կայացրել է որոշում, որի համաձայն Հիմնադրամի հոգաբարձուների խորհրդի անդամներն են Արշակ Կարամանյան, Մայք Յուսուֆյան, Կարո Օհանյան, Էտուարտո Տավիտեյան, Վաչե Մեխջյան, Հայկ Թադևոսյան:

Միաժամանակ պարոն Ա. Մանթաշյանը խնդրել է «հոգաբարձուների խորհրդի այլ կազմով ընդունված և ներկայացրված որոշումներ չընդունել հիմք և այդ որոշումներով պայմանավորված չկատարել պետական գրանցումներ, ինչպես նաև հանգամանքներ ի հայտ գալու դեպքում իրականացնել համապատասխան լուծումներ»:

Պատճառաբանություններ և եզրահանգումներ

Համաձայն «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի 20-րդ հոդվածի 24-րդ մասի. «Որևէ անձի գրավոր դիմումի առկայության դեպքում, որի համաձայն գրանցման ներկայացված փաստաթղթերում զետեղված փաստերը չեն համապատասխանում իրականությանը, գրանցումը մերժելու ակնհայտ հիմքերի բացակայության դեպքում պարտադիր իրականացվում են լուծումներ կամ գրավոր ընթացակարգ»:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 20-րդ հոդվածի 2-րդ մասով («Վարչական վարույթը հարուցվում է անձի (անձանց) դիմումի կամ վարչական մարմնի նախաձեռնության հիման վրա (հարուցման փուլ), 37-րդ հոդվածի 1-ին մասով. «Վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները, ինչպես նաև 38-րդ հոդվածի 1-ին մասով. «Վարչական մարմինը վարչական վարույթի ընթացքում պարտավոր է վարույթի մասնակիցներին և նրանց ներկայացուցիչներին հնարավորություն տալ արտահայտվելու վարչական վարույթում քննարկվող փաստական հանգամանքների վերաբերյալ»), ինչպես նաև «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի 20-րդ հոդվածով

ՈՐՈՇԵՑԻ

1. Հարուցել վարչական վարույթ 19.11.2014թ Արման Մլայանի լիազորված անձանց կողմից ներկայացրած պետական գրանցման դիմումի համաձայն և վարույթի շրջանակներում անցկացնել լուծումներ,

2. Լսումները իրականացնել գրավոր եղանակով հանգամանքների պարզման ընթացակարգով:
3. Որպես վարչական վարույթի մասնակիցներ ներգրավել ՀՀ քաղաքացիներ Արման Մլայանին և Արթուր Մանթաշյանին:
4. Լսումների իրականացումը հանձնարարել Իրավաբանական անձանց պետական ռեգիստրի գործակալության Վերակազմակերպումների և Հիմնադրամների գրանցման բաժնի գլխավոր մասնագետ Լիլիթ Գասպարյանին:
5. Հանձնարարել Լիլիթ Գասպարյանին, անհրաժեշտության դեպքում վարույթի մասնակիցներից պահանջել այլ փաստաթղթեր:
6. Լսումներն իրականացնել սույն որոշումն ընդունելուց հետո 20 օրյա ժամկետում:
7. Սույն որոշումը կայացնելու պահից գրանցման ժամկետի ընթացքը կասեցվում է քսան օրով,
8. Որոշման մասին ծանուցել վարչական վարույթի մասնակիցներ Արթուր Մանթաշյանին (կամ նրա նարկայացուցչին) և Արման Մլայանին (կամ նրա նարկայացուցչին)՝ իրենց կողմից ներկայացրած էլեկտրոնային փոստի հասցեներին գրություններ և սույն որոշումն ուղարկելու, ինչպես նաև Հայաստանի Հանրապետության հրապարակային ծանուցումների պաշտոնական ինտերնետային կայքում հրապարակվու միջոցով:
9. Որոշման հրապարակման պահից հետո՝ երկու աշխատանքային օրվա ընթացքում, ցանկացած անձ կարող է ներկայացնել գրավոր ապացույցներ որոշման մեջ նշված հանգամանքների վերաբերյալ:



Կատ. Լ. Գասպարյան
 Lilit.gasparyan@e-register.am
 010-20-14-27

